

Tico Croes:

Comentario ariba e eleccionnan na Nicaragua

ORANJESTAD (AAN) - Manera DIARIO ya a publica partido AVP a manda un telegram di felicitacion pa Doña Violeta barrios de Chamorro cu a gane e eleccionnan reciente cu a tuma lugar dia 25 di Februari na Nicaragua. AVP ta kere cu e triunfo di sra. de Chamorro ta un triunfo hopi importante pa democracia den e region Americano y especialmente den e region convulsiona di Centro America.

Segun sr. Tico Croes e ta kere tambe e resultado aki lo contribui pa mas estabilidad den region centroamericano y por lo tanto tambe pa e region Caribense di cual Aruba ta forma parti.

Sr. Croes a sigui bisa cu ta importante pa señala cu e apertura pa mas participacion pa mas libertad individual, pa respet pa expresionnan di personanan, ta un apertura democratica cu AVP ta constatando ta tumando lugar den Europa Oriental awor aki, especialmente cu e politica di Perestroika cu Gorbachov a cuminsa cunele.

Y AVP ta mira tambe cu na Nicaragua tambe e pueblo despues di hopi aña a haya e oportunidad di por a expresa su mes den un forma liber y sin ningun temor tocante ken ta e personanan cu nan ta kere cu lo por conduci nan pais di acuerdo na e voluntad popular. Y AVP ta bisa cu e apertura aki ta un apertura hopi importante pasobra precisamente e lo bay contribui pa por tin mas tranquilidad y paz den e region.

Pero luke si ta yama AVP su atencion cu e tendencia aki pa mas apertura di participacion pa un proceso mas democratico y

habri den mundo, ta e contrast grandi cu e realidad cu ta bibando aki na Aruba. Si mira por ehempel importante di justicia, esta Ministerio Publico poco poco a bay ta perde su reputacion pa motibo di un Ministro di Justicia cu constamente tin un maneho descabeya cu ta strobando precisamente e pilar democratico di e pais.

Y tin un otro aspecto cu ta hopi importante cu ta relaciona cu esaki, cu poco poco tambe AVP ta riparando cu e confianza di e pueblo cu gobernantenan ta actuando di bon fe tambe ta bay perdi. Especialmente si tene cuenta cu e sentencianan di ultimo tempo cu juez a duna encuan to di asunto di fairplay di e gobierno actual.

AVP ta mira tambe cu e calidad di e derechonan fundamental di hende ta worde mira den un forma sistematico, cu e grado di tolerancia y respet pa expresionnan di otro ta menos y cu intimidacion y e maneho di represalia consistente, e hecho cu ta aresta hende y despues laga nan bay contra di reglanan existente ta muestra cu enberdad justicia e respet pa e derechonan sagrado di persona, e respet, pa e expresionnan individual, e apertura, e libertad, e sentimiento di libertad ey tambe poco poco ta erosionando aki na Aruba. Y ta pesey tambe AVP ta bisa cu ta nan ta hopi contento cu den region y den mundo en berdad ta tumando lugar e apertura y e libertad cu un individuo mester di dje pa por ta creativo y asina duna espacio na su talentonan, mientras cu hustamente aki na Aruba ta mira cu hopi temor e rumbo peligroso cu e pais ta bayendo aden.